

雜取各格

三命通會
卷六

三命通會卷之六

育吾山人著

井欄斜義

喜忌篇云庚日全逢潤下忌丙丁巳午之方。時遇子申。其福減半。此格以庚申為官。壬用支辰。暗衝戌中丁戊。壬日得干透三庚。乃為全逢潤下。庚用丁為官。以申子辰衝寅午戌火局。庚日得官星。喜行身旺。及傷官食神運。忌南方財官。實時遇丙子為時上偏官。甲申為日祿歸時。難成此格。所以福氣不全。而減半。甲合巳為壬官。甲生丁為壬財。辰能衝有水。所以濟人。見午未填實。水為土雜。則無濟人之功。若月寅午戌衝壞水火富命。又曰壬辰日取辰多。暗衝起戌中申子辰為傷官。去寅午戌火力。戊巳字射傷水局。不能衝寅午戌火貴。乃減分力。輕却用寅中印木為食生財。故主富。冬為合局。見戊辰戌子亦不妨。若庚子再見子時。只作飛天祿馬論。在辰月。以方亥子運。又曰壬辰為魁罡日。宜身旺。果合此格。主清奇貴顯。但不甚富。運喜東方。財北方。傷忌南方火土。西方平平。方亥子運。又曰壬辰為魁罡日。宜身旺。離宮午位。喜寅字邀神。填實則榮華富貴。帶刃則掌管千軍。詳此說。庚以土為印。土能封實井。工寅寅復申。月未未傷。何以為貴。試思之。詩曰庚日全逢申子辰。井欄又出世起羣。丙子寅子全無露。定是清朝富貴人。又井欄庚日申子辰。庚多局全格始成。大怕寅午戌破局。丙丁逢著亦無情。又井欄運喜東方地。得到財鄉真富貴。丙丁巳午歲運逢。失祿破財須且畏。又申子辰全日遇庚井欄。又格制官星。局中無火方為貴。破動提綱禍已臨。又生遇三庚喜氣星。全逢潤下井欄真。金精怕見寅午戌。水秀偏宜申子辰。傷貴緣多壬癸見。露官休共丙丁臨。運行大抵東方美。一世榮華不受貧。

士騎龍背

喜忌篇云陽水壺逢辰位。是士騎龍背之鄉。此格以壬日坐辰土。以丁為財。巳為官。壬用支辰。暗衝戌中丁戊。壬日得財官為貴。柱中須辰多。方能衝起。再得一寅字。合住財官為妙。不宜財官顯露。喜行身旺。及傷官食神運。忌南方財官之地。柱有丁巳午戌。只作財官論。若壬日坐寅柱中辰多。亦取此格。以壬食甲。甲合巳為壬官。甲生丁為壬財。辰能衝戌寅以合之為貴。若壬辰日年月時皆寅午火局。財生旺得地。財多不清。只為富命。又曰壬辰日取辰多。暗衝起戌中火土金為財官印三奇。若三辰一寅。為衝合貴氣有力。若壬辰日年月時皆寅力輕。却用寅中印木為食生財。故主富。柱中宜見丑未為貴。大怕巳官戌煞。乙傷丁合不入格。縱辰多亦減分數。忌北方亥子運。又曰壬辰為魁罡日。宜身旺。

怕見財官休否。以運泰詳。若柱中全見申子。當以潤下格論運。戊己辰戌又衝歲運併臨。吉中反禍。此為騎龍走衝。不成格也。一命已丑戌辰壬辰庚子甲子。舉人戊辰年乙卯月死。正是己宮煞太旺。尅壬為凶。獨步云。壬騎龍背。見戌無情。寅多則富。辰多則榮。景鑑賦云。壬騎龍背。喜寅辰二字相怡。忌戌己巳午為連寅多者。錢滿果腐。純粹者。姓播朝廷。相心賦云。壬騎龍背。逢丁破。慈比甲。辰。妖祥賦云。陽水逢辰。見戌己巳。臨難避。士里馬云。壬日壬時。寅寅辰。高節承恩。登御閣。寶鑑賦云。石崇豪富。柱中多寅。秘訣云。壬騎龍背。五行偏喜寅辰。詩曰。壬辰日誕。號騎龍。飛出官星在對衝。四柱辰多。官爵顯。寅多却作富家翁。又陽水多逢辰字。卿士騎龍背。貴非常。柱中俱有寅辰字。富貴雙全在廟堂。又壬騎龍背。喜非常。辰多寅字轉發揚。大忌官星來破格。夾別須見尋元傷。又壬寅不及壬辰。日四柱壬辰字要多。辰字多分官職重。寅多可比石崇過。又壬騎龍背。喜非常。陽水重重繞鄭邦。辰向戌中衝秀氣。戌來午上到官鄉。龍如疊見封官爵。虎若重逢滿庫倉。上下三合全水局。富貴雙全迥異常。應鵠天陽水。辰最吉祥。柱無戌己坐朝堂。辰衝戌內財官貴。柱有寅合方是強。榮金簡受金章。澄清四海鎮邊疆。尊賢容重脩天德。烈烈威名徧八方。如孫不揚都憲壬辰甲辰壬寅庚子是此格也。

子進己祿

喜忌篇云。甲子日。再遇子時。畏庚辛申酉丑午。此格以甲子日甲子時甲以辛為官。二子中癸水能遙合己中戊土。戊來合癸。畏子上甲木尅制。不敢來合。戊與丙同居己宮。丙戌為父子。戊動丙亦動。丙却與酉中辛相合。來尅甲木。甲日得官星。戊方得合癸。是謂己酉丑三合會。起官星局。年月大怕有午衝子。丑絆子不能進矣。或曰。甲為主。尅出己中戊土。又用子中癸水尅出己中丙火。戊既被尅出。却與癸合。丙被尅出無配。來尋酉中辛金相合。而甲日得財官之美。又曰。此格以二子中癸水進合己中戊土。為甲之財。丙戌祿同在己。丙是甲之爵星。戊是丙之爵星。戊動丙亦動。丙見子戌。貪合癸妻為印綬。丙却合起辛金為申之官。如人有子。繼其後。傳其家。以成父道之尊貴。喜生壬癸亥子月。印旺卯寅月。身旺行官旺鄉。必主登科食祿。權貴濁富。忌見庚辛丙字。明露申酉己字。破格。如有制化。亦不為害。柱有丑午絆衝。則減分數。歲運同若生酉丑月。只作正官格取。虛露庚字。亦主富貴。全看月令何如。或可煞生印助。若成此格。須忌尤怕南方運。如樊繼祖尚書。庚子己卯甲子甲子。真此格也。經云。甲子逢合祿。終身須富足。詩曰。甲子日逢甲子時。進

合官祿貴無疑。丑絆子衝官煞顯。福不為祥祿亦達。又甲子重逢甲子時。休言官旺不相宜。月生日主根元壯。運到金鄉反是奇。又甲子日生甲子時。蓋地逢官孰得知。癸來動戊戌動丙。丙合辛生是福基。切忌庚辛申酉字。又嫌丑絆午衝之。柱中運內遭逢着。格局不成福有虧。又子來進己細沉吟。甲子還將甲子尋。癸向己中邀戊土。丙來酉上合辛金。暗怕申酉三六合。明怕庚辛二癸侵。丑午不逢高格論。登科及第宴瓊林。

丑進己祿

喜忌篇云。辛癸日多逢丑地。不喜官星。歲時逢子己二官。虛名虛利。此格只有辛丑癸丑二日。辛以丙為官。癸以戊為官。丙戌祿在己。惟丑能破己。柱中多逢丑地。則丙戌之祿出。辛癸進合得官星。忌見子絆未衝己字。填塞不過虛名虛利而已。歲運同論。辛丑日宜生秋月。癸丑日宜生冬月。柱中金水多。方合此局。再見申酉得一合柱己字。不致貴氣走出為妙。無丙丁己午辛日之純粹。無戊己巳干癸日之純粹。再無衝絆。為人淳厚富貴雙全。畧見損傷亦主富足。若生辰戌丑未月。當以雜氣取用。逢卯辰申酉亥時。亦不作此格。如辛日生丙寅丙午丙戌月。只以官星論。如生甲寅以木助火可用財官。癸日土多。以官煞論。見癸亥時。以拱祿論。生金旺月。以印綬論。生火旺月。以財星論。如生甲寅月。傷官不妨。宜行官星得地。及身旺運多貴。此格與辛亥癸亥飛天祿馬大同。經云。辛癸日合祿。平生富有餘。詩曰。辛日癸日多逢丑。名為進己合官星。莫言不喜官星旺。誰信官來反有成。又辛丑癸丑二日。于丑能破己。己藏官丑字多。見方為妙。不宜子字住中間。又辛癸無官眾丑。遙己中丙戌祿來朝支元。喜見酉申合入格。應須貴祿饒。幸忌丙丁兼己午。癸嫌戊己馬蛇。子來絆丑心真懶。格局如輕福亦消。又丑進己格事如何。辛癸偏宜丑字多。申酉癸逢官會合。鼠蛇愁見福消磨。又辛人怕與丙丁遇。癸日難將戊己和。前戒不臨八字上。也應獨步占高科。

刑合得祿

喜忌篇云。六癸日時逢寅位。歲月怕戊己二方。此格以六癸日為主。癸用戊土為官星。戊祿已用時上。甲寅刑出己中。戊土是癸日得官星也。喜見財星。或印助行財印刑衝會合皆美。歲月支干怕見戊己字。官煞顯露則減分數。若歲運填實。或福氣已過。則死柱有戊己字。時中喜逢空亡。若月令在偏正官位。即不以時喜忌言矣。如癸亥癸卯癸未坐下木局。時逢甲寅。柱有戊己巳午。真正傷官見官。亦不入格。歲運逢之有禍。此格與飛天祿馬大同。既曰傷官。亦宜有合。

柱得酉丑一字合已則可。惟不用申。以申能衝剋寅故也。見亥或午戌字為羈絆。己字為填實。申庚字為衝剋。皆為破。尅不貴。又曰六癸日亦可用。庚申時刑合己中戌祿為官。六己日亦可用。壬申時刑出寅中甲祿為官。六辛日得庚寅時則刑不成。辛雖以丙為官星。建祿在己。庚能剋甲寅字。被傷不能刑己。辛日不得官星。所以不取。舉善有云。刑合生於正月。便作傷官。又云柱中若逢酉丑字。遇者英豪名利客。詩曰六癸日生時甲寅。假名刑合亦非真。月令若加寅亥位。傷官格內例推尋。又但求癸日甲寅時。刑出官星貴可知。不喜庚金傷甲木。寅申衝破主憂危。又癸日無官時甲寅已中丙戌要寅刑甲能剋戌丙自出。癸得財官祿貴成四柱更兼無戊己方為合格大聲名。庚來煞見能傷甲。縱有資財是白丁。又刑合格向六癸尋。生時喜見甲寅臨寅來凌己戌應出。癸去逢蛇官得任。戊己倘逢凶易致。庚申忽遇禍難禁。運流有類舞大局。所戒無傷福愈深。如高拱閣老壬申癸丑癸丑甲寅柱中帶申有疾病運行庚申。遇壬申流年罷官。幾致大禍。以上諸適合暗刑飛衝等格。淵源十八格。柱內元無財官方用。凡人命四柱三元內外無合。而有運在平別位虛邀暗拱刑衝破剋合於別祿。以上諸格財也。若有刑無合。則貴氣不住。不成格矣。

衝合祿馬

如甲日生人柱無酉辛丑有卯多衝酉。己酉合丑為甲日正官。喜壬癸生助。忌酉辛填實。若止一卯字。再有刑合起。亦為好命。乙日生人柱無申庚却有寅衝申。子辰合拱或己刑出為乙正官。喜壬癸生助。忌申庚填實。戊日生人柱無卯乙却有酉衝卯。亥未合卯戌得官星。喜壬癸財丙丁印。忌見卯乙。己日生人柱無寅甲却有申衝寅。壬戌合寅即暗有官星喜財印。忌見寅甲丙丁二日即倒衝祿馬格。庚辛壬癸四日即飛天祿馬格。以例推之。以上四千衝合皆忌官星明露及受傷月令得官乘旺為妙。衝神遇合不逢羈絆左登清貴。將相公侯缺一則減分數。破則近貴衣食。甚者貧乏。歲運喜忌同。至寶經云至節者如天干屬木支元屬木人元屬木乃同至節。其為人富貴不能淫賤不能移。威武不能屈。大丈夫也。蓋陰陽匹配譬如六門陽干半斤陰干半斤方成配偶。倘遇偏倚難成造化。如清潔貞靜之女定要配中正賢良之夫。乙卯祿旺之木終不合庚午庚寅庚子庚辰之金。此衰敗之金終不能就合乙卯旺木。值此奈何。直待運臨申酉金旺之鄉。乙木隨時而順。如烈女直等庚申金旺為配也。庚午庚寅庚子庚辰不能屈伏此貞女為之妻也。且如乙用庚與申為夫。柱無却有子辰二字則能合起申中之庚為乙官星。有此不必再要寅字去。衝有寅更妙。柱

無子辰。乃取衝出甲寅乙卯丙午丁未戊午己未庚申辛酉壬子癸亥以上方日。本身健旺。衝祿元最緊。壬辰壬戌戊辰己丑衝祿則慢。其餘子不用。如明神宗癸亥辛酉癸亥辛酉主木癸亥健旺。衝出己中丙戌祿馬為癸用。却得二酉合住為妙。

破官

四柱元無財官印綬。却有破官之辰。如癸卯日。破出午中己土為官。癸酉日。破出辰中戊土為官。甲午日。破出酉中辛金為官。柱中須得一字三合。合住貴氣為妙。元理賦云。卯破午。午破酉。財官雙美。又云。年日支無破官之辰。月時支有破官合官之辰。主貴。如甲寅日無破。月逢丙午。時臨己巳。此取午破酉中辛官。有巳合之。又用巳中丙戌合辛為貴。詩曰。卯破午未有大官。午未破酉一般看。丑破巳午不為例。子破卯辰用不難。

飛財

日干同月干。日支同時支。衝出對官之財是也。得此格。當發財祿。忌泄氣凶。如壬申日。生時支亦申。二申衝出寅中甲丙為財為用。歲運遇子。則化成水局。如日干是庚。被局泄氣傷官。不能生財。歲君柱內。再逢七煞。尅身必死。蓋飛財格。支辰不可變化他局故也。如戊寅己未。戊寅申寅。三寅一甲。七煞六月全無財氣。比肩甚旺。却得三寅衝出申中長生之水。為財運行酉北。資財巨萬。

破財

此格如乙卯日生。八字不見財官。用卯字破出。午未中己土為財用。要寅戌一字。暗合財氣為妙。忘却財填實。但有財位。及填實衝位。便破不行矣。如庚申辛酉日。破寅卯辰之木為財。丙午丁未日。破酉戌之金為財。壬子癸丑日。破巳午中之火為財。此數日本日及日祿木體自強。故可衝破。取財為用。其餘日主柔弱。豈能破奪橫來財乎。合此格者。多能橫發取不意之財。詩曰。命裏無財看破財。破來財祿似山堆。運行官印多多福。却怕刑衝填寔災。又卯破午未取財看。午未破酉總一般。丑破巳午財來廣。酉破辰卯福不難。

卯未遙巳

此格以辛卯癸卯辛未癸未四日。辛癸合巳中丙。戌為官。要連見三四位。卯字衝酉三四位。未字衝丑酉。丑暗合巳中

丙戌為辛癸日官星大忌已字填實。歲運同若一二位即不用此格。只取財官貴食斷之。

虎午奔已

此格乃辛癸日見丑寅。取寅刑丑合。刑合出已中丙戌為辛癸官星。更得乙酉字合貴為妙。有刑無合。祿不能住。柱見申已即不入格。如壬戌辛亥辛丑庚寅甲戌辛未癸丑甲寅二命合格為貴。詩曰辛癸日生歲月時。若逢寅丑便為奇。寅刑丑合已中祿。此是功名富貴基。

羊擊猪蛇

此格乃辛未癸未二日。以二三未字合起亥字。衝出已中丙戌為辛癸之官。柱有酉丑一字合柱貴氣為妙。怕填實衝刑如甲戌辛未癸未癸丑庚申癸未辛未乙未二命合格俱貴。詩曰羊擊猪蛇格最強。日逢辛癸未相當。柱中再遇酉申字。合祿無傷入廟堂。以上諸格須柱中無財官方用。有則不取。珞球子云無合有合。後學難知得一分三。前賢不載。如有寅有戌便有午有申有辰便有子。是得一分三。看其元辰有此為福為禍。又三合全者。却能又出對官。物來為福為禍。如寅午戌又出子中癸水申子辰又出子中丁火辛癸日見丑寅刑合。出已中丙戌皆為無合。有合。學者須細詳之。此命之理。所以為微也。

刑衝帶合

刑者二刑合者六合。刑者如砒合者如蜜。人止知蜜之甜美。不知內有砒之毒害。此格如甲子見已卯丙子見辛卯庚申見乙巳之類。于合支刑上合下刑人命犯之多。耽酒色重則喪身破家。輕則感疾至老不改。如十分合格。亦有權貴大命。但不免酒色成疾。閨門無德。若是賤薄之命。終身花酒昏迷。漂蕩無成。運行凶煞尅身。多致喪生。女命尤忌。詩曰支刑于合最非宜。酒色傷身災禍隨。縱使為官居鼎鼎也。因好色致身危。

六陰朝陽

喜忌篇云六辛日時逢戌子。嫌午位。運喜酉方。此格六辛日為主。辛以丙為官星。以癸為壽星。喜戌子時。以戌合癸。子乃辛之生地。戌祿亦已戌來印辛。戌乃丙之子。丙見戌印辛。丙却生戌。合辛為貴。辛日得官星也。柱中只宜子字一位。多則不中。怕午衝丑絆。則陰不能朝陽。丙已填實。運行西方金旺之地。故喜東北財傷。次之南方死絕。則忌此格。只宜

生申辰亥卯未酉月。若生四季。以印綬論。丙午丙寅丙戌月。以財官論。甲寅乙卯月。只以財論。月令為主。行運不拘南北。身旺為妙。若成此格。多名勝於財。為人高正。傷妻害子。如犯上忌。貧薄。又曰。午一陰生。至亥六陰畢。辛金坐亥。或生亥月。乃為六陰之地。時得子時。取子中一陽生。乃陰還陽。改名辛未辛酉。亦是餘二日則非。是金水極秀為貴。或云辛乃陰金。丙乃陽火。以辛可丙。非朝陽而何。六陰云者。猶言亥辛日也。亦通。繼善篇云。陰若朝陽。切忌丙丁離位。景鑑云。朝陽喜忌。怕丙丁而嫌離位。忌丑字連喜西方。若填實時。三場難進。見丙丁位。立案功名不然。則輸粟濟眾。或者甚至辦公文。又云。四季秋生無南字。榮華富貴業尤奇。舉善篇云。朝陽生於季月。可稱印綬。真黃賦云。六陰朝陽。帶印清朝之士。秘訣云。辛日子時。忌行火地。西北行來則吉。東南一害憂凶。古歌云。辛逢戊子好朝陽。運喜西方祿位昌。丑午丙丁無出現。腰金衣紫入朝堂。又南地平平最嫌北。西方第一次東方。若還子字無格遇。貴處朝堂姓字香。又辛日生時逢戊子。戊死動丙作辛官。六陰金合朝陽格。富貴鉅基是不難。子宮只宜得一位。若多一子福還慳。丙丁巳午俱無跡。運向西方若貴班。又六陰行運喜西方。臨到東方也吉昌。最怕南方多不吉。南離西破主災殃。又朝陽貴格六辛金。戊子居時福轉深。子隱貴淵成會合。戊來動丙得官神。丙丁明現誠為忌。巳午重逢亦可憎。運歷西方為第一。如轉南離禍必臨。鵬鵬天戊子時逢日六辛。朝陽合丙動官星。庚辛申乙相連喜。紫綬金章作宰臣。寅卯貴丙丁貧。南方不利有傷身。中和稟得無偏倚。穩坐朝堂治萬民。

六乙鼠申月

喜忌篇云。陰木獨遇子時。為六乙鼠貴之地。乙以子申為貴神。獨遇子者。用鼠不用猴也。乙用庚金為官星。得丙子時。以子上丙火遙歸。已中本祿。已來合申。申來動子。是謂申子辰三合。會貴謂申中帶將庚來。乙日得官星。用申時。則官星顯露。所以不取若子字多。謂之聚貴尤妙。年月中有午衝丑絆。則子不能遙祿。申庚為官露。酉辛為熱露。被丙傷子。反不中矣。歲運同此格。要月通木局。日下支神。皆是木旺之地。水印亦可。忌見金火。若歲運逢申酉。凶悔東方漸退。午運則亡。如一命。壬寅辛亥乙未丙子合格。若乙丑日絆子。乙酉日煞傷。則減分數一子字。怕見卯刑丑絆。多則不妨透辛字。不旺再有丙丁合。起丙合辛化水運。順行不傷。貴如己丑丙子乙卯丙子。兩子夾一卯。丁巳壬子乙丑丙子。兩子夾一丑。雖犯上忌。却是交夾貴中生。故皆大貴。若主夏令。只以傷官論。生七八月貧下。如得庚申月。運北地。却以官論。

生四季有財庫。喜水局傷官食神。南運亦吉。凡月令見財官。即旺。即以財官取用。不以干衝子為禍。如合鼠貴柱有未合午。暑有損壞富而虛名。相心賦云。六乙鼠貴。遇午衝而赤貧如洗。真寶賦云。鼠貴帶食。蚤為藩省薇垣之相。詩曰。乙未生臨丙子時。要無午破卯刑之。四柱不逢申酉丑。管教年少拜丹墀。又六乙鼠貴在生時。然官衝破不相宜。月中通得真三木。方可當元利祿奇。又乙日生人得子時。名為鼠貴最為奇。切嫌午字來衝破。辛酉庚申總不宜。又六乙生人時遇子。既帶官星復用此庚申辛酉馬牛欺一位逢之為子。又乙日時逢丙子。旬官星不要月中存。乙丙能生扶羊刃。丙得刑庚至貴神。其格不宜逢刃子。於中亦憚見庚辛。若推歲運如其理。無破清閑享福人。西江月。乙日生逢丙子。名為鼠貴幽玄。無衝無破福周全。印食身旺多顯子。多名為聚貴。暑逢衝破有愆生春印地福滔天。歲運金鄉尅戰。

日祿歸卯

喜忌篇云。日祿歸時。沒官星。號青雲得路。此格有七日。甲寅丁午。戊己巳午庚申。壬亥癸子日。主之祿歸於時位。喜日於坐旺。印綬生月透財。元傷食天月二德。主大富貴。忌刑衝破害空亡死絕。及剋財分祿倒食。作合官煞。尅制雖可取用。亦不純粹。歲運同如乙日見巳卯時。是時上偏財。丙日見癸巳時。是官星顯露。辛日見丁酉時。是時上偏官。不作歸祿格。看四柱何如。若月有官星。或天干透財官。只作財官論。若時支歸祿年月時支亦有祿。謂之聚福歸祿。又謂五行歸祿。若日祿歸時。時祿歸日。謂之戶換祿。若年祿歸時。時祿歸年。如甲申見庚寅。乙酉見辛卯。壬午見丁亥。癸亥見壬子。等類。俱主大貴享福。若重見祿位。如甲日寅時。又生正月。財官俱弱。只作建祿看。若月日天元同。而止有時祿。謂之分祿。便為無用。若各自歸祿。却又不妨。此格有七法。一曰青雲得路。如戊子甲寅乙亥己卯。柱中無一點官星。身旺得局有印。生助雖子刑卯祿。不能破局。故貴。又壬午庚戌壬子辛亥。身旺印助。登戊辰進士。為刑部郎中。作雜氣格論。尤是故丁丑運。戊辰科。丑刑辰衝故也。二曰官星坐祿。如丙申丙申丙申丙申。丙以癸為正官。生七月金鄉。有托運行西北官主旺之鄉。丙臨申無氣。三丙相倚衝寅。長生癸官臨巳。用神坐貴得財官雙美。故少年及第。中年拜相。三四歸祿逢二德。如辛亥辛卯甲寅丙寅甲寅。專祿而得丙寅為食。會祿申為月德。月令辛卯。為甲正官。辛逢二月無氣。二寅中丙合去二辛。止有二寅。為甲之祿。月德逢歸祿。乃平章輔國英雄。四曰歸祿逢印綬。如丁未壬子甲子丙寅二子印旺丁壬化木。引至寅時木旺運逢官煞。丙丁制合。不能損局。故貴。又壬寅丙午甲辰丙寅。日祿歸時。不逢官煞。用丙為食。喜

生寅旺午午中已上為財年干印綬庫旺於日所以承祖陰受職富貴成名又丙戌癸巳戊午丁巳柱無一點官星丙丁印戌日時祿互換午戌已俱是火地印綬生身太旺運行西方食神傷官之地生財癸與戌合化成火象所以少年登第官至三品五曰歸祿逢傷官大忌見官如壬辰乙巳亥庚午已坐亥有甲為官得已衝去有乙為煞得庚合化為真金傷官用壬為財生庫歸祿日下運行南方身旺西方金旺傷官去煞生出財氣有用英靈秀寔之貴也六曰歸祿逢煞如甲申丙寅戊申丁巳戌坐申自生年干透甲為煞歸祿於寅二申制之戌歸祿時地無官混雜所以掌握兵權威鎮邊疆七曰歸祿逢財如己亥丙寅丁丑丙午自坐財庫丙奪財亥中壬制寅與亥合運逢官煞比肩強旺可以勝任已上食神歸祿於時制其官煞運行戌酉申俱財旺地故貴如甲子丙子戊子丁巳三子為財多而且旺年干透甲為煞逢生喜日丁戌土歸祿於時得地月干火印亦歸祿於時所以大貴獨步云曰祿歸時青雲得路月令財官遇之吉助元理賦云歸祿得財而獲福無財歸祿亦須貧又云曰祿歸時四柱歲運皆不喜官星有刑害其福減半景鑑云見官煞青雲難遂著刑害驛馬紫身空申子云頭戴脚踏罕遇甲寅寅時詩曰日主生歸時祿逢無衝無刑不落空官煞不臨財印旺傷食身健祿千鍾又六甲生人祿在寅若逢官曜貴難伸身無健旺忻生印祿有多餘愛食神若遇相衝突必至忽遭剋破福無因流年大運皆同論富貴尊榮慶取人

拱祿拱貴

喜忌篇云拱祿拱貴填實則凶拱向也夾也祿是臨官之祿貴是官星之貴或指天乙貴人拱祿有五時五時癸亥癸丑癸亥拱子祿丁巳丁未巳未巳巳拱午祿戊辰戊午拱巳祿拱貴有五時五時甲申甲戌拱酉乙未乙酉拱申是官貴甲寅甲子拱丑戊申戊午拱未辛丑辛卯拱寅官貴兼太乙貴凡拱格須日時同干貴祿與月令通氣運行身旺及貴祿旺地方大好印綬傷官食神財運亦吉忌刑衝破害羊刃七煞傷了日時拱不住貴氣大忌填實空亡譬如器皿空則能容實則無用所以只宜虛拱完則能盛破則無用所以怕見空亡歲運同又曰虛拱之法看拱出空中之物端係我家何物或吉神凶煞之類如子寅拱丑甲日固得官星有未衝丑則拱夾不定貴氣走透若無未有辰戌逼迫雖急猶且庶幾有亥卯則拱氣堅牢缺一則偏枯失序此小方面格也又如丑寅巳午拱夾卯辰辰切包顧而卯辰有我貴氣更以餘干喚醒其內有情者中方面格也又如拱東西南方地面南則巳午未自然有火氣東則寅卯辰自

然有木氣大方面格也。若非格局雄壯體段大器，不敢亂取太疎濶故也。賦云：祿重位顯，定知夾祿之卿。假如癸丑見癸亥拱子位，癸祿生秋，冬祿重有氣，如戊子見甲寅，亦拱丑貴。然戊受甲剋，豈能拱之餘？以例推，獨步云：拱祿拱貴，填實則凶。提綱有用論之不同。三命云：夾祿夾貴，必居八座之尊。心鏡云：干旺而祿貴矣。清正官員，景鑑云：拱祿拱貴，純粹者王侯之倫。填實者虛名，虛利無財印，不喜傷害。忌官煞，又怕空亡。詩曰：日時雙拱祿中庭，金匱藏珠格最清。至貴至高君子命，無憂無慮到公卿。又虛拱貴神兼祿位，不達填實及空亡。衝刑羊刃併七煞，破敗官星不可當。又拱祿拱貴格中稀也，須月令看支提。提綱有用提綱重，月令無神用此奇。又所拱之位怕填實，又怕傷官在月支。羊刃重重來破格，如無此破貴無疑。

衝祿

此格如庚祿申，柱中無申，得庚寅日。年月時再有寅字，併衝申，為庚之祿。甲祿在寅，柱中無寅，却得甲申日。年月時再有申字，併衝寅，為甲之祿。大忌丙傷庚，庚傷甲，填實祿位，則不貴。餘例推如己巳丁丑，庚寅戌寅，辛巳乙未，甲申壬申，乙卯甲申，辛卯辛卯，三命合格貴。

六壬趨艮

此格乃六壬日見甲寅時，合出亥中壬祿，即暗祿格。經云：明祿不如暗祿是也。忌亥字填實，怕衝刑剋破。壬寅壬辰二日為正，見寅字多者大富，以寅中甲木食神生丙火長生之財，財旺生官，故美。忌官煞損身，申庚傷甲，不能生財，為凶。又曰：壬日多見寅字，用寅中甲木暗邀己土為壬官，星寅中丙火暗邀辛金為壬印綬，怕子合申衝，忌財官填實，喜身旺地歲運同。口訣云：六壬趨艮，逢亥月必貧。相心賦云：六壬趨艮，智足多仁。真實賦云：六壬趨艮，透財印為奇。官煞來侵，反為貧窮下賤。詩曰：六壬趨艮喜非常，壬日寅時是貴鄉。大怕刑衝併剋制，逢甲歲運有災殃。

六甲趨乾

此格乃六甲日見亥，亥天門之位，北極之垣，甲木賴之長生。又亥能合出寅中木祿，與趨艮同忌寅字，填實巳字刑衝。又曰：甲見亥時，亥有壬祿為印，喜見辛金生印，不喜見財。柱有卯合亥，即不能合寅申祿矣。若身弱遇己酉丑局，金神太多，歲運重見生災。相心賦云：六甲趨乾，主人慈剛介心，貧真寶賦云：六甲趨乾，透印綬為佳。財星疊見，位列名卿。千

里馬云壬趨艮甲趨乾清朝吉士詩曰趨乾六甲最為奇甲日生人得多時歲運若逢財旺處官災患難來尋之詳詩與賦有忌財喜財不同余見透印忌財身旺喜財

財官雙美

繼善篇云六壬生臨午位號曰祿馬同鄉癸日生向己宮乃是財官雙美祿即官財即馬二句同一義也壬以丁火為財馬以己土為官祿俱祿於午癸以丙火為正財戊土為正官俱祿於己人命祿馬財官難得兼全況自坐支下所以為貴喜秋生金旺水生木死不能尅土故為遠害若見寅卯旺則秀而不實冬生玄武當權貴為王侯如柱有財官更得此二日生尤妙如己丑丁卯壬午癸卯年月透出丁己歸祿日下合此太貴珞琿子云祿馬同鄉不三台而八座又云每見貴人食祿無非祿馬同鄉是也甲戌乙丑乙巳丙申丁丑戊辰己亥庚寅辛未壬戌癸未此數日支內自藏財官亦是祿馬同鄉經獨取壬午癸巳二日以壬癸所坐正財正官餘則或偏或正不純一故也類推之甲戌乙丑二日喜金土月分富貴但金氣不可太多恐傷身盜氣若無官貴必發財富丙申丁丑二日生金木月貴惟忌土重若會起土尅官主富己亥日宜生四季月或有倚托相生為吉庚寅日喜見火宜生冬至後一陽生火旺之時主貴若得金剛火強鍊成鋒刃之器秋生逢火尤佳唐太宰丙子庚子壬子丙子壬子日生子月身旺衝起年干丙字二丙同窠却衝去日庚梟食庚既受衝尅則避丙就木日干上時干丙就月支壬是庚之子就時干午變成丙午丙子庚午壬子皆祿馬同鄉又為水火既濟又名六壬移換故主大貴大凡太貴命合三二格局取之左右逢源不可以格多為雜如淵源之說又如甲子丙寅壬戌辛丑壬日生戌丁戌為財官祭戌中火方生土遇寅月受病却得辛丑時丑去害午子又衝午衝害出午中丁己為壬財官寅戌又合住午中祿馬火見寅戌得局己土丑中得位皆有氣運行南方祿馬旺相此得一個丑字變為三奇祿馬飛天無合有合故亦大貴如丙午甲午壬戌丙午壬生五月日干無氣火太旺當以丁壬從火運行西方官旺之地此化象之美壬干本弱却得三午破出酉中辛金為印衝起子中羊刃助身勝任財官生平無一日空閒一官未去一官來運至庚子火死之地庚為梟食兼水旺傷其倚托火神無氣土流蕩而水衝擊又是填實權力之位所以不利訣曰死處生而旺處脫是也子平云三奇祿馬同鄉要生時不在休敗之地古歌曰祿馬同鄉無尅奪財官同處最為榮三台八座真奇貴尅奪如強欠利名

二德扶身

天月二德乃日月會合照臨。有何陰昧邪暗。敢容其間。故奸盜息。惡獸潛。神明扶邪鬼遁。此天地德秀之氣。化凶為吉之神。人命帶之大為福德。更祿馬貴人印綬相扶。或二德就為財官印食。合諸貴格。再遇三奇五行生旺。無傷剋破。壞官榮祿。願一生不遭凶橫。若犯傷破。作事無成。命不合格。貧賤凶惡。見此亦有救解。又曰。天德宜月將相扶。正月丁。喜亥將。忌見癸傷丁。二月坤。宜戌將。忌寅破。三月壬。宜酉將。忌戌傷。四月辛。宜申將。忌丁傷。五月乾。宜未將。忌己破。六月甲。宜午將。忌庚傷。七月癸。宜巳將。忌己傷。八月庚。宜辰將。忌申破。九月丙。宜卯將。忌壬傷。十月乙。宜寅將。忌丙傷。月德寅午戌月。丙合辛。忌壬傷。亥卯未月。甲合己。忌庚傷。申子辰月。壬合丁。忌戌傷。巳酉丑月。庚合乙。忌丙傷。若犯此忌。不成德合矣。二德以天德為重。月德次之。變財官印綬。則加一倍福力。或曰。干就是尤吉。秘訣云。天月二德臨日主。一生無險無虞。更遇將星名登相府。鬼谷云。一德扶持。眾凶解釋。男逢平步青雲。女值福壽俱全。玉鑒云。卦逢生氣。天德合在世長年。三命鈴云。天月德者。陰陽同類。異位之德也。凡人遇之。文學超羣。仕宦清顯。三車云。天月二德扶持。利官少病。心鏡云。天月二德為解救。百災不為害。相心賦云。二德印生。作事施恩布德。幽微賦云。慈祥敏慧。天月二德呈祥。與古賦云。命虧煞旺。要天赦。二德呈祥。詩曰。天德原來大吉昌。若逢時日最為良。脩文必定登科甲。庶俗營謀百事強。又人命若還逢月德。百事所求多利益。士農工商各相宜。兄弟妻兒無破剋。又陰陽二命煞星通。化煞為權德在中。時日若逢天月德。男當一品女褒封。又天月二德喜重逢。貴比汾陽富石崇。祖陰豐肥承福厚。不然年少步蟾宮。

將星扶德

珞球子云。將星扶德。天乙加臨。主本休囚。行藏汨沒。子平云。月將德合逢日貴。名登八座。將星正月從亥上起。運行十二月。一月一宮。須照臺歷。每月中氣後。太陽過宮。方為遇將。六壬月將加時。正此義也。正月功曹。二月太衝。三月天罡。四月太乙。五月勝光。六月小吉。七月傳送。八月從魁。九月河魁。十月登明。十一月神后。十二月大青。將星臨於本生日。逢德位合貴格。本主興旺。富貴雙全。本主休囚。不合天時地利。虛名虛利。塞滯之命。將星扶德。如正月雨水後得亥。將太陽已躋。極盛之次。又見丙丁日是也。更會日子。見官貴祿馬相扶。合格局。主為人廣學。聰明睿智。翰苑清臺之貴。若

柱偏官。則典兵刑之權。如余命庚寅日生。十二月太寒後。太陽在丑宮斗十九度。天月二德在庚屬日主。又庚以丑為貴神。是將星扶德。天乙加臨。庚生丑月。雖休不弱。年壬午木則旺時。丙戌柱有偏官。所以典兵刑為清臺日主休廢。官故不大。總兵傳津。腰玉掛印。與余命同。傳西人庚日得地故也。出身武科。命信然。詩曰。將星扶德貴人期。名顯京華折桂枝。暗合貴神來拱助。八座威權定不虛。又將星文武兩宜。祿重權高足可知。不作宰臣清要職。便居帥府擁旌旗。丙余命育吾自稱也。

金神

金神者。破敗之神。即的煞。止有三時。乃癸酉己巳乙丑。此格六甲日為主。見此三時。作金神論。甲子甲辰二日為最。月令通金氣成火局。方可取用。柱中更帶七煞傷及真貴人也。若月令不通金氣火局。即當以他格論。或財官印綬。或變化從類。雖忌水亦可。若無化而行水鄉。禍不可言。又曰。威猛者以強暴為能。威不可專。人得侮之。然太剛必折。不有制之。則寬猛剛柔不相濟。何以履中和之道。若調攝馴伏。致其中和。則福祿踵至。得此格者。有明敏剛斷之才。堅強不屈之志。四柱火局。運行火鄉。作此格論。生亥卯未月。行火鄉。亦以此格論。若生水月。或行水鄉。不用生辰月行北方運。可作印綬喜官煞陽刃。怕刑衝。若逢癸酉時。酉為甲之官位。不可以金神火制之說斷之。當作正官論。財官得地之運。發福年月重見申庚官煞混雜。仍以金神論。歲運見火。必福見水。必禍。柱中有火不行火鄉。亦難發。喜見財行財運。亦發。六巳日見此三時。亦作金神論。運行金水鄉。即禍立至。財運乃美。火鄉更妙。獨步云。甲日金神偏宜火地。巳日金神。何勞火制。又云。六甲生春時。犯金神。水鄉不發。火重名真。又云。甲乙丑月。時帶金神。月干見煞。雙目不明。經云。金神遇火。威鎮邊疆。妖祥賦云。金神喜七煞而忌刑衝。玄機賦云。金神最宜制伏。秘訣云。金神喜火旺之鄉。若行北方則凶。相心賦云。金神貴格。火地奇哉。有剛斷明敏之才。無刻剝欺瞞之意。定真篇云。金神運到水鄉。身疑骨折。詩曰。癸酉己巳並乙丑。三位金神時。怕有火鄉煞。及貴相逢。如在水鄉。隨刑醜。又癸酉己巳並乙丑。時上逢之。是福神。傲物恃才。宜制伏。交逢煞。及貴人真。又六甲生人旺木身。時逢酉。允作金神。如逢己位。須還制。酉丑時須煨煉。深。又甲子時上見金神。煞及相臨。真貴人。木火旺中財祿發。如逢金水。必傷身。又金神遇火。貴無疑。金水災殃定有之。運到火鄉。多發達。官崇家富兩相宜。又時遇金神貴氣多。如逢羊刃。却中和。若行木運。貧而疾。火制名高爵位。我。又金神癸酉在時。泰己巳還同。

乙丑巳四柱水多忌起北五行火旺要趨南雖逢羊及山為吉縱欲偏官苦變甘敢斷剛明無屈節調馴得所有官銜如方逢時兵部尚書壬午乙巳甲辰巳巳甲見巳巳金神主事巳午純火制之得宜運歷南方少年科第西方官熱功名逸震北方水鄉如何貴極一品四柱火多甲木少印至北而足之耶趙鐸縣丞命同辛亥運水旺酒色風狂破傷田產方楚人火地趙燕人水地疆域不同故也元脫脫丞相壬辰丁未巳巳巳巳金神生六月中旬火旺未有水庫偏官年干透壬丁土合化真木助官又喜帶刃運行西方有戌巳起水申酉制伏偏官行戌運衝開火庫金神有制貴至台輔行亥運水旺之地三十七戌辰歲君刑開水庫金神無制財旺生起官煞為禍死於鴆毒

日貴

日貴者自坐天乙是也此格止有四日丁酉丁亥癸巳癸卯主為人純粹有仁德有姿色不做物氣高貴氣聚於日更有財食印相助貴氣為福喜三六合宅墓合行貴人財旺運發福大忌刑衝破害空亡運行再遇前忌太歲加會更見魁罡定主貧夭若別成格不論日貴須分晝夜日生要癸卯丁亥夜生要癸巳丁酉日夜不皆為得體經云貴人者慈祥憐悌之號德性尊重之名遇財官印食則吉值煞及衝刑則凶運遇魁罡為害不淺又云貴逢破害刑衝者生來貧賤壽傾危古歌曰生日天干坐貴支若見魁罡福不齊年逢月祿不為喜日貴重逢奇又奇又丁日猪雞癸兔蛇刑衝破害謾咨嗟纔臨會合方成貴終始分之乃是嘉又日德日貴主慈祥財官印遇福榮昌刑衝煞及如來見反吉為凶不可當又癸臨蛇兔是英奇丁向猪雞一例推切忌魁罡分晝夜更防刑害判尊卑運行嘉會名須重命帶空亡禍必隨貴重尊嚴持厚德或逢前戒凶無疑

日德

此格只有五日甲寅丙辰戊辰庚辰壬戌取甲丙戊庚壬五陽干申坐寅得祿丙坐辰官庫庚坐辰財印兩全壬坐戌三奇俱備寅為三陽之首辰戌為魁罡之地干支異於列位故名日德也查主神一百二十五位無日德或者別有取義余則未曉日德要多二三三位併踏同者方用若只一位還以月令財官印食取之何者得位得時何者被害失時可用者取之不可用者去之若合日德主為人性格慈善體貌魁梧有憐貧敬老之心無毒害剋剝之意逢凶有救遇難有解不遭非橫福必豐厚賦云日德心善多穩厚而作事慈祥是也運臨身旺大是奇絕若望氣已衰行遇魁罡必死

或未及發福格局既好運至魁罡必生福患一脫乎此亦能再發終力微此格只一位喜財官日得重疊不宜見財官及刑衝破害空亡魁罡會合如臨皆為大忌詩曰壬戌庚辰日得官甲寅戊丙要騎龍運逢身旺心慈善日德居多福自豐又日德不喜見魁罡化成煞曜最難當局中重見須還疾運眼逢之必定亡又丙辰切忌見壬辰壬丙同辰是就此壬戌提防戊戌臨壬戌同戊戌是就日坐庚辰畏庚戌納音同金辰申寅還且慮庚辰德畏魁罡是日又日德重重免禍殃官星且忌見財鄉更無衝破空亡物堪作朝中一棟梁又日德喜煞喜身強不喜財星官旺鄉為性溫柔更慈善一生福壽喜非常如張燭運同甲申戊辰戊辰壬戌由學官而腰金衣紫得五品官誥是此格也一命庚辰己卯戊辰甲寅三位日德作此格論但甲寅忌見庚辰運行壬午財鄉之地午中陽力持權官犯日德所忌丁巳年寅巳相刑四月死壽止三十八歲平生性重亦不慈善惡疾久纏再考日德有丙子壬午辛卯丁酉等日又有乙巳乙酉乙丑等

魁罡

此格有四日庚辰壬辰戌戌庚戌辰為天罡戌為河魁乃陰陽絕滅之地故名獨除甲午以居午之首在辰為青龍在戌為祿堂有吉而無凶故也此格須疊位重逢日位加臨者眾以伏為貴經云魁罡聚眾發福非常主為人性格聰明文章振發臨事果斷秉權好殺賦云魁罡性嚴有操持而為人聰敏是也運行身旺發福百端一見財官禍患立至或帶刑煞尤奇倘日位獨處刑衝剋制重臨必是小人刑責不已窮必澈骨運臨財官旺處主防奇禍若月令見財官印綬日主一位即以財官印食取用雖微有破敗財官印食得位亦無大害須斟酌提綱當用者取之不可拘此小節又日庚戌庚辰二日無官星若魁罡重疊有情主富高於名但見財則不成局歲運再見財旺之鄉禍不可測庚辰日生九月雖辰戌相衝運行南方柱中有火亦可言貴庚戌日生三月縱有官星印綬亦不用蓋庚用戌中火為官庫戊土為印辰中癸水傷官又泄庚氣不成格矣戊戌日無財不貴不宜官若魁罡重疊有情富貴兩全壬辰日怕見財官太喜印綬劫財與煞歲運同又日辰是水庫屬天罡戊是火庫屬地魁辰戌相見為天衝地擊子平總論云身值天罡地魁衰則澈骨貧寒強則絕倫貴顯詩曰壬辰庚戌與庚辰戊戌魁罡四座神不見財官刑煞併身行旺地貴無倫又魁罡四日最為先疊疊相逢掌大權庚戌庚辰怕官顯戊戌壬辰畏財連又魁罡四柱日多同貴氣朝來在此中日主獨逢衝剋重財官顯露禍無窮又魁罡重疊是貴人天元健旺喜臨身財官一見生灾禍刑煞俱全定苦辛按此格支

用辰戌獨天千少異。內庚辰二日。既日日德。又曰魁罡。論其格局。迥然不同。不必拘論。如張時僉事。庚午丁亥戌戌丙辰。劉大受少卿。丁亥癸丑庚戌戌寅。二命魁罡。只取財官印是也。

福德秀氣

此格專以巳酉丑金局而看。所得天干。如乙巳乙酉乙丑三日。是乙用金為煞。喜印綬。喜制伏。不宜生六月逢未。以基上帶旺金能尅木。不宜生八月再露其煞。運行印綬官旺鄉。便能發福。丁巳丁酉丁丑三日。是丁用土為官。喜金旺生水。亦不喜生八月。以八月火死功名蹭蹬。又不喜生十一月。以十一月癸水為煞。為壽不耐。柱中喜見財官旺位為貴。運行官旺便可發福。己巳己酉己丑三日。是己用甲木為官。己酉丑金局皆傷其官。亦名盜氣。何以為吉。殊不知金能生水。財喜行財運。便發柱中不要見丙丁寅午戌。以傷金局。及刑衝破害。又不喜生四月。火旺秀氣淺薄。立身在晚。多成敗。孤尅癸巳癸酉癸丑三日。是用金神為印。見己酉丑金局。能生癸水。喜秋冬。亦不喜生四月。以水絕於己。雖然金生在巳。以金生水。亦不能絕。得官印運。便能發福。嫌火財傷金。或曰此三日與飛天祿馬同。如生己月。名為月臨風。是謂填實貴位。亦通辛巳辛酉辛丑三日。柱全金局為妙。若見午戌火旺。有破反生灾咎。若通丙火。旺為正氣。官星或值寅位。為天乙貴人俱吉。歲運同。古歌曰。陰木加臨酉丑蛇。生居六月暗咨嗟。為官得祿難長久。縱有文章不足論。又乙巳乙酉併乙丑。八月生人人短壽。四柱若見火傷官。降官失職定然有。又陰火相臨己酉丑。生居丑月壽難長。更兼名利多成敗。破敗荒淫不可當。又丁巳丁酉併丁丑。八月生人人不久。前程名利兩區區。更忌飲酒及交友。又陰土逢蛇雞與牛。名為福德號貔貅。秀氣火來侵尅破。須教名利一時休。又己巳己酉及己丑。福德秀氣造化有。夫怕四柱火相侵。縱有功名不長久。又陰金合局主前程。造化清奇大有情。四柱火來侵尅破。須知名利兩無成。又西方金氣坐陰柔。不怕休時不怕囚。鬼煞生時方發福。功名隨步上瀛洲。又癸巳癸酉月臨風。百務遲延作事空。名利生成難有望。始知人在五行中。又癸巳癸酉及癸丑。四月生月人不久。功名成敗在晚年。最忌貪淫併飲酒。

三奇真貴

經云。若遇三奇真祿馬。名聞達天下。日逢祿馬旺興隆。一舉便成名。如甲生酉丑未月。乙生巳申月。柱有壬癸。或亥子。財官印俱全。為三奇之貴。忌傷官七煞。劫財刑衝破害。運喜財官印身旺之地。凡人遇之主聰明好學。神童狀元有節。